

Ֆրանսիական բանակի բանաձևներ.

Յայտնի է, թէ որքան հոգևորականներ այժմ պատերազմում մասնակցում են իրրե զինուորական քահանաներ, իրրե կամաւոր — քահանաներ և որպիսի անձնազոհ ծառայութիւններ են մատուցանում ու անհրաժեշտ հոգևոր մխիթարութիւն հասցնում հայրենիքի ազատութեանը իրենց անձը զոհ բերող զինուորներին:

Վ. Նեմիրովիչ-Դանչէնկոն Русс. Слов.-ի № 158-ում СЪ Французскаго фронта — յօդուածում նկարագրում է Ֆրանսիական բանակի քահանաներին: Ըստ յօդուածգրի, Ֆրանսիական բանակի քահանաները յատուկ ուշադրութեան արժանի են. Ֆրանսիան կարծես հաշտւում է իր հոգևորականութեան հետ. «Մենք մինչև հիմայ իրար չէինք հասկանում, ասել են թղթակցին, այժմ, պատերազմի դաշտում, թշնամու սպանիչ կրակի տակ, պաշտպանութեան և յարձակման մէջ, մենք սովորել ենք մեր քահանաներին գնահատել: Նրանք զինուորներից անբաժան են. նրանց կտեսնէք բոլոր խրամատներում, ստորերկրեայ անցքերում, ուր մերոնք սպասում են նշանի, որ յետ խլեն թշնամուց, ռազմի գինը» Քահանաներն էլ զինուորականների զգեստներ ունին և կրծքերի վրայ եղած խաչն է տարբերում միւսներից:

Երբ զինուորական նախարար Միլերանը թոյլատրեց, որ ռաջաւոր դիրքերում լինեն թէ կաթոլիկներ, և թէ բողոքական քահանաներ և հրէայ ռաբբիներ. հարիւրաւորներ գրուեցին. թիւը հազարների հասաւ: Եւ երկու տարուայ ընթացքում անգնահատելի ծառայութիւններ են մատուցել զօրքին: Պատարագ են անում խրամատում: «Եթէ կայ դէպ կամ կալ կամ երկու խրամատի մէջ տեղում կատարում են արարողութիւնը. խոտով լի սայլը պատերազմական սեղանն է, մօտը քնած կովերը, որքան հետաքրքիր է և հոգևոր այդ արարողութիւնը: Աւելի ազգեցիկ է խրամատում կատարուող արարողութիւնը, ուր գնդակների վզողցի, պայթող հրանօթների ռոնոցի աղմկում յաւիտենական ճշմարտութեանը ուղղուած երգերի ներդաշնակ ձայնն է հնչում: Յանկարծ փոզի նշանը աղօթողներին գերմանացոց դէմ է կանչում և «Աստուած մեզ հետ» ասելով՝ վազում են թշնամու դէմ զինուորները:

Աղօթելու ժամանակ պատահել է դէպք, որ հրանօթն ընկել է ս. սեղանի վրայ և կտոր կտոր արել պաշտօն տանող քահանային, իսկոյն մի ուրիշն անցել է տեղը և շարունակել սուրբ խորհուրդը:

Դումարտակի անունով տրուած հրամաններում յաճախ յիշուում են քաջամարտիկ քահանաների անունները: Օրինակ, երբ գերմանացիք գերի են տանում մի գումարտակի ֆրանսիացի

զինուորներին, գումարտակի քահանան էլ գերիների ետևից գնում է, չուզենալով իր զինուորներին առանց հոգևոր մխիթարութեան թողնել, մանաւանդ, որ վիրաւորներին օգնելու տեսակէտից գնահատելի ծառայութիւն են մատուցանում քահանաները:

Քահանան յարձակման ժամանակ զինուորի առաջից է գնում, նահանջի ժամանակ վերջից: Քահանան կապում է թշնամու ձեռքով քանդուած տէլէֆօնների թելերը, քահանան զինուորներին ժողովում է և գնում գերմանացոց հրդէհ ձգած տեղը հանգցնում, քահանան գնդակների տարափի տակ գնում է հարևան զօրամասից օգնութիւն խնդրում:

Հրէայ ռաբբին, գնդակով վիրաւոր չի ուզում, որ առաջ իրեն վերցնեն, յետոյ միւս վիրաւոր զինուորներին. թէև 5 երեխայ է ունենում.—Իմ երեխաներին երկնքի Հայրը և Հայրենիքը կպահի—ասում է նա: Արիւնահոս լինելով հանդերձ նա դեռ շաբոնակում է մխիթարել միւսներին: